

Bakhethoa



SABATHA THAPAMA

Bakeng sa Thuto ea beke ena, Bala:

Ba-Roma 10, 11.

Temana ea Khopolo:

“Joale ke re: Ana Molimo o lahlile sechaba sa oona na? Che, ho se ke ha thualo! Hobane le ‘na ke mo-Israele, oa mofuta oa Abrahamana, oa leloko la Benyamine” (Ba-Roma 11:1).

Thuto ea beke ena e akaretsa Ba-Roma 10 le 11, e tsepame haholo khaolong ea 11. Ho bohlokoa ho bala likhaolo tsena ka botlalo hore u tle u tsebe ho latela tsela eo Pauloseosi a nahanang ka eona. Khaolo tsena tse peli ha e sa le e le khubu ea lipuisano tse matla ‘me li ntse li tsoela pele ho ba joalo. Ntlha e le ‘ngoe leha ho le joalo, ea hlaka ho tsona kaofela, ‘me eona ke lerato la Molimo ho batho le takatso ea Hae e kholo ea ho bona batho bohle ba bolokehile. Ha ho mang kapa mang ea haneloang ho fumana poloko. Ba-Roma 10 e hlakisa haholo hore “ha ho khethoe mo-Juda le mo-Gerike” (Ba-Roma 10:12)—kaofela ke baetsalibe ‘me kaofela ba hloka mohau oa Molimo o neoang lefatše ka Jesu Kreste. Mohau o tla ho bohle—e seng ka bochaba, e seng ka tsoalo, hape e seng ka mesebetsi ea molao empa ka ho lumela ho Jesu, ea shoeleng bakeng sa baetsalibe hohle. Maikarabello a ka ‘na a fetoha, empa morero oa mantlha oa topollo ha o fetohile. Pauloseosi o tsoela pele ka sehlooho sena khaolong ea 11. Joalo ka ha ho boletsoe pejana, ho bohlokoa ho utloisisa hore ha Pauloseosi a bua ka khetho le pitso mona, taba ha se poloko; taba ke morero oa Molimo bakeng sa ho fihlela lefatše. Ha ho na sehlopha se seng se hanetsoeng poloko. Eo e ne e se eona taba. Empa kamor’a Sefapano le kamor’a hore evangeli e tsebisoe Balichaba, haholo-holo ka Pauloseosi, sehlopha sa pele sa balumeli—ba-Juda le Balichaba ka bobeli—ba nka kobo ea ho hasetsa lefatše evangeli.

**Ithute thuto ea beke ena ho lokisetsa Sabatha sa la 16 Tšitoe.*

Kreste le Molao

Bala Ba-Roma 10:1–4. Re ntse re hopola tsohle tse tšileng pele, molaetsa o moo ke o fe? Rona kajeno, re ka ba kotsing ea ho leka ho ithelaha “ho loka hoo e leng ha rona” joang?

Bo-molao bo ka tla ka libopeho tse ngata, ‘me tse ling li ikhakantse ho feta tse ling. Ba italmang, ba talimang liketso tsa bona, lijo tsa bona, ba talima kamoo ba bolokang Sabatha ka bontšepahi, le lintho tsohle tse mpe tseo ba sa li etseng, kapa lintho tse ntle tseo ba li fihletseng—leha e ka ba ka maikemisetso a molemo—ba oela lerabeng la bomolao. Motsotso o mong le o mong oa bophelo ba rona, re lokela ho beha khalalelo ea Molimo kapele ho rona re e hlalohanya le boetsalibe ba rona; ke tsela e tšepelang ea ho itšireletsa mokhoeng oa ho nahana o lebisang ba bangata moo ba batlang “ho loka hoo e leng ha bona,” ho leng khahlanong le ho loka ha Kreste. Ba-Roma 10:4 ke temana ea bohlokoa e phuthetseng molaetsa oa Pauloseosi ho Ba-Roma kaofela ha oona. Hoa pele, re lokela ho tseba moelelo. Ba-Juda ba bangata ba ne ba “hloma ho loka hoo e leng ha bona” (Ba-Roma 10:3) le ho batla “ho loka ho tsoang molaong” (ba-Roma 10:5). Empa ka ho fihla ha Mesia, ho ile ha hlalisoa tsela ea ‘nete ea ho loka. Ho loka ho ile ha neoa bohle ba tsepamisang tumelo ea bona ho Kreste. Ke Eena eo litšebeliso tsa khale tsa mahlabele li neng li supa ho eena.

Le haeba e mong tšhalosong ea hae ea molao a kenyeletsa Melao e Leshome mona, ha ho bolele hore Melao e Leshome e felisitsoe. Molao oa boitšoarō o supa libe tsa rona, liphošo tsa rona, mefokolo ea rona, ‘me ka mokhoa o joalo o re tataisitse bohloking ba rona ba Mopholosi, bohloking ba rona ba tšoarelo, bohloking ba rona ba ho loka—tseo kaofela li fumanehang ho Jesu fela. Ka tsela eo, Kreste ke “phetho” ea molao, ka hore molao o supa ho Eena le ho loka ha Hae. Lentsoe la se-Gerike bakeng sa “phetho” mona ke tloes, leo hape le ka tolokoang e le “pakane” kapa “sepheo.” Kreste ke sepheo sa mapomela tsa molao, ka hore molao o lokela ho re lebisa ho Eena. Ho bona temana ena e ruta hore Melao e Leshome—kapa ka ho topa molao oa bone (e leng seo batho bana ba se bolelang)—e felisitsoe ke ho etsa qeto e khahlanong le boholo ba litaba tseo Pauloseosi le Testamente e Ncha ba li rutang.

A na u na le ho iphumana u le motlotlo ka tsela eo u leng molemo kateng, haholo ha u bapisoa le ba bang? Mohlomong u “molemo ho feta,” joale? Ipapise le Kreste, joale e be u nahana hore na u hlile u “molemo” ha kae.

Boikhethelo ba Mohau

Bala Ba-Roma 11:1–7. Litemana tsee li hanana le thuto e fe e tloaelehileng ka ho hlaka le ka tsela e se nang ho fetoloa?

Karolong ea pele ea karabo ea hae potsong, ena, “Ana Molimo o lahlile sechaba sa oona na?” Pauloseosi o supa masala, boikhethelo ba mohau, e le bopaki hore Molimo ha o so lahle sechaba sa Oona. Poloko e buletsoe bohle ba tla e amohela, ba-Juda le Balichaba ka ho tšoana. Re hopole hore balumeli ba pele ba Bokreste e ne e le ba-Juda—mohlala, sehlopha se ileng sa sokoloha ka letsatsi la Pentakonta. Ho ile ha nqosa pono e khetheleng le mohlolo ho kholisa Petrose hore Balichaba ba na le monyetla o lekanang mohaung oa Kreste (Liketseo 10; bapisa le Liketseo 15:7–9) ‘me evangeli e lokela ho isoa ho bona, le bona.

Bala Ba-Roma 11:7–10. Na Paulosesoi o re Molimo o foufalitse karolo ea sechaba sa Israele e hanneng Jesu, ka boomo? Ke eng e phoso ka taba eo?

Ho Ba-Roma 11:8–10, Pauloseo qotsa ho tsoa Testamenteng ea Khale, eo ba-Juda ba neng ba e nka e na le matla. Litemana tseo Pauloseosi a li qotsang li hlalisa Molimo a file Israele moea oa borokoana, le litsebe tseo ba sa tl’o utloa ka tsona. Na Molimo o foufatsa mahlo a batho hore ba se ke ba bona leseli le ka ba isang polokehong? Lekhale! Litemana tsena li lokela ho utloisisoa moelelong oa tlhaloso ea rona ea Ba-Roma 9. Pauloseosi ha a bue ka polokeho ea motho ka mong, hobane Molimo ha a lahle sehlopha leha e le se fe kaofela ha sona bakeng sa poloko. Taba mona, joalo ka ha ho bile joalo nako ena eohle, e sebensana le boikarabello boo batho bana ba bo etsang mosebetsing oa Hae.

Ke eng se fosahetseng haholo ka hore Molimo o lahlile sehlopha sa batho kaofela kapa sehlopha leha e le se fe bakeng sa poloko? Hoabeng ha taba eo e le khahlanong le thuto eohle ea evangeli, eo khubung ea eona e bontšang hore Kreste o shoee hore batho bohle ba tle ba bolokoe? Taba ee e tlišitse litholoana tse bosula joang haholo ho ba-Juda?

Lekala Leo e Leng Lona ka Hlaho

Bala Ba-Roma 11:11–15. Pauloseosi o fana ka tšepo e fe e khoho litemaneng tsee?

Litemaneng tsena, re fumana lipolelo tse peli tse lumellanang: (1) “botlalo ba bona [ba ba-Israela]” (Ba-Roma 11:12) le (2) “kamohelo ea bona [ba-Israela]” (Ba-Roma 11:15). Pauloseosi o ne a shebela pele ho fokolisoa le ho lahloa hoo e le hoa nakoana ‘me ho tla lateloa ke kamohelo e tletseng. Ena ke karabo ea bobeli ea Pauloseosi potsong e botsitsoeng qalong ea khaolo ena, “Ana Molimo o lahlile sechaba sa oona na?” o re, se bonahalang e ka ke ho lahla, ke boemo ba nakoana.

Bala Ba-Roma 11:16–24. Pauloseosi o reng ho rona moo?

Pauloseosi o tšoantša masala a Israele le sefate se khabane sa mohloaare, seo makala a mang a sona a robehileng (ba sa lumeleng)—papiso eo a e sebelisang ho paka hore “Molimo ha oa lahla sechaba sa oona.” (Ba-Roma 11:2). Metso le kutu li ntse li le teng. Balumeli ba Balichaba ba hlomiloe ho sona. Empa ba hula lijo le bophelo ba bona ho tsoa ho motso le lekala, le tšoantšang Israele e lumelang. Se etsahetseng ka ba ileng ba hana se ka etsahala le ho balumeli ba Balichaba. Bibehe ha e rute thuto ea “ha u pholositsoe hang, u pholositsoe nako eohle.” Joalo feela ka ha poloko e fanoa ntle ho tefo, e ka hanoa ka bolokolohi. Leha re lokela ho ba hlokolosi hore re se ke ra nahana hore nako le nako ha re oela re tsoa har’a poloko, kapa hore ha rea pholoso a ntle ho hore re phethehe, re lokela ho qoba sekoti se ka nqane le teng—maikutlo a hore hang ha mohau oa Molimo o re apesa, ha ho seo re ka se etsang, ha ho sa le boikhethelo boo re ka bo etsang, bo ka tlosang neo ea poloko ho rona. Qetellong, ke bao feela ba “tiisetsang molemong oa oona” (Ba-Roma 11:22) ba tla bolokeha.

Ha ho molumeli ea lokelang ho ithorisa ka ho ba molemo ha hae kapa a ikutloa a phahametse batho ba habo. Pholoho ea rona ha ea sebeletsoa; e ne e le mpho. Kapele ho Sefapano, kapele ho sekala sa Molimo sa khalalelo, bohle rea lekana: baetsalibe ba hlokanang mohau oa Molimo, baetsalibe ba hlokanang khalalelo eo e ka bang ea rona feela kamohau. Ha re na letho la rona leo re ka ithorisang ka lona; re lokela ho ithorisa ka Krete feela le ka seo a re etselitseng sona ka ho tla lefatšeng lena a le nameng ea motho, a feta mahlokong a rona, a shoela libe tsa rona, a re fa mohlala oa kamoo re lokelang ho phela, le ho re tšepisa matla a ho phela bophelo boo. Ho tseo tsohle re itšetlehile ka Eena ka botlalo, hobane kantle ho Eena re ne re se na ho ba le tšepo e fetang seo lefatše lena le ka fanang ka sona.

Ba-Israele Bohle ba Tla Bolokeha

Bala Ba-Roma 11:25–27. Paulosesoi o porofeta liketsahalo li fe tse kholo moo?

Ha esale Bakreste ba buisana le ho pheha khang ka Ba-Roma 11:25–27 ka mangoaha-khoho joale. Leha ho le joalo, lintlha tse fokolang li hlakile. Ho qala, moelelo oa taba mona ke oa ha Molimo a nanabeletsa letsoho ho fihlela ba-Juda. Seo Pauloseosi a se boelang se tla e le karabo ea potso e botsitsoeng qalong ea khaolo, “Ana Molimo o lahlile sechaba sa oona na?” Karabo ea hae ke che, ‘me tlhaloso ke hore (1) hore bofoku (Se-Gerike porosis, “bothata”) ke feela “karolo,” le (2) ka ba nakoana, “ho tla ha balichaba ho be ho kene.” “Ho tla ha Balichaba” ho bolela’ng? ba bangata ba bona poleloana ena e bua ka phethahatso ea thomo e khoho, moo lefatše kaofela le utloang evangeli. “Botlalo ba Balichaba” bo tlele ha evangeli e se e rutiloe hohle. Tumelo ea Israele, e bonahalitsoeng ho Krete, e tletse lefatše. Evangeli e se e rutiloe lefatšeng hohle. Ho tla ha Jesu ho atametse. Nakong ena, hee, ba-Juda ba bangata ba qalella ho tla ho Jesu.

Ntlha e ‘ngoe e thata ke se boeloang ke hore “Israele eohle e tla bolokeha” (Ba-Roma 11:26). Taba ena e se ke ea ferekanya ho bolela hore nakong ea bofelo mo-Juda e mong le e mong o tla bolokeha ka matla a Molimo. Ha ho moo Mangolo a rutang poloheho ea phutho ea metse, e ka ba ea leloko lohle la botho ka a karolo e itseng ea batho. Pauloseosi o ne a laba-labela ho pholosa “ba bang ba bona.” (Ba-Roma 11:14). Ba bang ba ile ba amohela Mesia, ‘me ba bang ba mo hana, joalo ka ha ho etsahala le lihlopheng tsohle tsa batho. Ha a bua ka Ba-Roma 11, Ellen G. White o bua ka nako “ho koaloeng ha ho phatlalatsoa ha evangeli” ha “bongata ba ba-Juda . . . ba tla amohela Krete e le Molopolli oa bona.”—*The Liketso of the Apostles*, leq. 381.

“Ho na le mosebetsi o moholo o lokelang ho etsoa lefatšeng la rona. Morena o boletse hore Balichaba ba tla bokeletsoa ho kena, ‘me e seng Balichaba feela, empa le ba-Juda. Ho teng har’a ba-Juda ba tla sokoloha, le bao ka bona re tla bona pholoho ea Molimo e tsoela pele joalo ka lebone le tukang. Ba-Juda ba teng hohle, ‘me leseli la ‘nete ea joale le lokela ho tlisoa. Ho teng har’a bona ba bangata ba tla tla leseling, ‘me ba tla phatlalatsa ho se fetohle ha molao oa Molimo ka matla a hlolang.”—*Evangelism*, leq. 578.

Nka nako u ke u nahane ka hore tumelo ea Bokreste motso oa eona ke oa se-Juda. Ho ithuta ka ho khetholla borapeli ba se-Juda ho ka re thusa joang ho utloisisa tumelo ea Bokreste ho feta?

Poloko ea Baetsalibe

Lerato la Pauloseosi ho sechaba sa hae le bonahala ka ho hlaka ho Ba-Roma 11:25–27. Ho lokela hore e be ho ne ho le thata haholo ha ba bang ba batho ba habo ba mo loantša, ba loantša le ‘nete ea evangeli. Feela, har’a tsena tsohle, o n’a nts’a lumela hore ba bangata ba tla bona Jesu e le Mesia.

Bala Ba-Roma 11:28–36. Pauloseosi o bontša lerato la Molimo joang, e seng feela ho ba-Juda empa ho batho bohle? O hlalosa matla a hlollang le a tletseng sephiri a mohau oa Molimo joang?

Leha ho etsoa papiso pakeng tsa ba-Juda le Balichaba ka Ba-Roma 11:28–36, ntlha e le ‘ngoe e eme e hlakile: qenehelo le mohau oa Molimo li neoa baetsalibe bohle. Morero oa Molimo e bile ho pholosa motho ho tloha le pele lefatše le thehoa, le ho sebelisa batho ba bang, leha e le lichaba, e le lisebelisoa letsohong la Hae ho phethahatsa thato ea Hae e halalelang.

Bala Ba-Roma 11:31 ka hloko le ka thapelo. ke ntlha e fe ea bohlokoa eo re lokelang ho e fumana temaneng ee ka bopaki ba rona, e seng feela ho ba-Juda empa ho batho bohle bao re kopanang le bona?

Ha ho potang hore, hoja ka mengoaha-kholo, kereke ea Bokreste ha e sa le e tšoara ba-Juda hantle, ba bangata ho feta ba ka be ba tlile ho Mesia oa bona. Koenho e kholo mengoaha-kholong ea pele kamor’a Krete, le ho kenngoah ha bohedene ka matla a maholo kahar’a Bokreste—ho kenyeletitse ho lahloa ha Sabatha ea letsatsi la bosupa molemong oa Sontaha—ha ho ea etsa hore ho be bobebe ho feta mo-Juda ea neng a ka huleloa ho Jesu. Ho bohlokoa ha ka kang, ha ho le joalo, hore Bakreste bohle, ha ba hlokomela mohau oo ba u neiloeng ka Jesu, ba bonahatse mohau oo ho ba bang. Re sitoa ho ba Bakreste ha re sa etse joalo (sheba Matt. 18:23–36).

A na ho na le motho eo u hlokanang ho mo bontša mohau, eo mohlomong a sa lokeloeng ke oona? Hobaneng o sa bontše motho eo mohau, ho sa natse hore na ho ka ba thata hakae ho etsa joalo? Na ha se seo Jesu a re etselitseng sona na?

Ho Ithuta Haholoanyane:

Bala Ellen G. White, “*Before the Sanhedrin*,” maq. 77–79; “*From Persecutor to Disciple*,” maq. 112–114; “*Written From Rome*,” maq. 474, 475, ho *The Liketso of the Apostles*; “*Reaching Catholics*,” maq. 573–577, ho *Evangelism*; “*What to Preach and Not to Preach*,” maq. 155, 156, ho *Selected Messages*, buka ea 1. “Ho sa natse ho hloleha ha Israele e le sechaba, ho ne ho ntse ho setse har’a bona masala a molemo a ba ka bolokehang. Nakong ea ho tla ha Mopholosi ho ne ho na le banna le basali ba tšepahalang ba neng ba amohetse molaetsa oa Johanne Mokolobetsi ka thabo, kahona ba susumetseha ho ithuta boporofeta bo buoang ka Mesia bocha. Ha kereke ea pele ea Bakreste e thehoa, e ne e thehiloe ka ba-Juda bana ba tšepahalang ba neng ba nka Jesu oa Nazaretha e le eo ho tla ha Hae esaleng ba ho nyoreloa.”—Ellen G. White, *The Liketso of the Apostles*, maq. 376, 377. “Har’a ba-Juda ho na le ba bang bao joalo ka Saule oa Tarese, ba le matla Mangolong, ‘me bana ba tla phatlalatsa matla a hlollang a molao oa Molimo o sa fetoheng. . . . Ha bahlanka ba Hae ba sebetsa ka botšepahi ho sebeletsa ba lahluoeng le ho nenoa ka nako e telele, poloko ea Hae e tla senoloa.”—Page 381. “Qetellong ea phatlalatsa ea evangeli, ha ho lokela ho etsoa mosebetsi o khethehileng bakeng sa lihlopha tsa batho tseo ho fihlela mona esaleng li lahloa, Molimo o lebelletse hore baromuoa ba Hae ba ke ba be le thahasello e khethehileng ho sechaba sa ba-Juda bao ba ka ba fumanang ka likanta tsohle tsa lefatše. Ha Mangolo a Testamente ea Khale a tsoakoa le a e Ncha ho hlalosa merero ea bosafeleng ea Jehova, hona ho tla tšoana le mafube a popo e ncha ho ba-Juda ba bangata, tšoho ea moea. Ha ba bona Krete oa litaba tse molemo a takiloe maqepheng a Mangolo a Testamente ea Khale, ‘me ba bona kamoo Testamente e Ncha e hlalosang ea Khale ka ho hlaka, likelello tsa bona tse robetseng li tla hlasimoloha, ‘me ba tla bona Jesu e le Mopholosi oa lefatše. Ba bangata ba tla amohela Krete Molopolli oa bona ka tumelo.”—lq 381.

Lipotso tsa Puisano:

1. Ha Molao oa Molimo, haholo-holo Sabatha, o toneloa mahlo haholo matsatsing a ho qetela, ha se mohopolo o motle ho nahana hore ba-Juda—bongata ba bona ba tiile ka Melao e Leshome joalo ka Baleti—ba tla ba le karolo eo ba e etsang ho thusa ho hlakisa tse ling tsa lintho kapele ho lefatše? Haholo hobane, ha ho thuoa tabeng ea poloko ea Sabatha, Baleti ha ba bapisoa le ba-Juda “bana ba banyane ba fihlang.” Buisanang.
2. Har’a likereke tsohle, hobaneng e le kereke ea Baleti e ka atlehang ka ho fetisisa ho fihlela ba-Juda? Le ka etsa’ng le kereke ea heno ho leka ho fihlela ba-Juda ba leng teng sechabeng sa heno?
3. Re ka ithuta eng ka liphoso tsa ba bangata Israeleng ea khale? Re ka qoba ho etsa lintho tse tšoanang joang kajeno?

